



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

KABINET PREDSJEDNIKA I POTPREDSJEDNIKA

Broj: 01-4-02-3-113-2/2026

Sarajevo, 27.1.2026. godina

N/r - Direktora

PREDMET: Poziv za učešće na Poslovnom forumu i B2B susretima BiH – Kraljevina Saudijska Arabija, 10.2.2026. godine, - *dostavlja se*

Poštovani,

Tokom trodnevne posjete delegacije Saudijske Arabije Bosni i Hercegovini, u periodu od 9. do 11. februara 2026. godine Vanjskotrgovinska/Spoljnotrgovinska komora BiH, u saradnji sa Vijećem saudijskih komora i partnerskim institucijama, organizuje Poslovni forum BiH – Saudijska Arabija.

10. februara 2026. godine, u hotelu Swissotel Sarajevo, planirano je održavanje Poslovnog foruma. U okviru ovog događaja biće predstavljeno investicijsko i poslovno okruženje Bosne i Hercegovine i Saudijske Arabije, uz organizovane B2B susrete između kompanija iz obje zemlje.

Imajući u vidu značaj tržišta Kraljevine Saudijske Arabije, kao i činjenicu da je ova zemlja u procesu diverzifikacije i jačanja naftnih sektora, cijenimo da ova posjeta predstavlja posebnu priliku za upoznavanje sa saudijskim tržištem, uspostavljanje novih poslovnih kontakata te jačanje ukupne privredne saradnje između dvije zemlje.

Cilj posjete saudijske delegacije i Poslovnog foruma je jačanje privredne saradnje i uspostavljanje partnerstava između kompanija dvije zemlje u tri ključne oblasti:

- Unapređenje vanjskotrgovinske razmjene između BiH i Saudijske Arabije, kroz identifikaciju novih poslovnih prilika i potencijalnih partnera;
- Uspostavljanje aranžmana za prenos znanja i know-how tehnologija, čime se podstiče tehnološki razvoj i inovacije u obje zemlje;
- Predstavljanje investicijskih mogućnosti i uspostavljanje strateških partnerstava i zajedničkih ulaganja.

Radni jezik plenarnog dijela Poslovnog foruma je bhs-arapski, uz obezbijeđen simultani prijevod. B2B susreti će se održati na engleskom jeziku.

Do sada je potvrđeno učešće kompanija iz Kraljevine Saudijske Arabije koje posluju u sektorima poljoprivrede, turizma i hotelijerstva, nekretnina i investicija, građevinarstva i industrije, energetike i obnovljivih izvora energije, informaciono-komunikacionih tehnologija, trgovine i distribucije, zdravstvenih i profesionalnih usluga, logistike i transporta, kao i kooperativnog i potrošačkog sektora. Posebno ističemo da su među članovima delegacije i kompanije koje već imaju poslovne aktivnosti i investicije u Bosni i Hercegovini, naročito u oblasti turizma, hotelijerstva i nekretnina.

U prilogu ovog poziva dostavljamo nacrt programa događaja, dok će Vam finalna verzija programa biti dostavljena naknadno. Također, u prilogu dostavljamo i listu saudijskih kompanija sa osnovnim profilima i oblastima djelovanja, radi lakše pripreme za B2B poslovne susrete.

Pozivamo zainteresovane kompanije iz Bosne i Hercegovine da uzmu učešće na Poslovnom forumu i B2B susretima koji će se održati 10. februara 2026. godine, te da svoju prijavu izvrše putem dostupnog [LINKA](#) ili <https://forms.gle/zHnk22jsVJTqA4WS6>.

Rok za prijavu je 05.02.2026. godine.

Za dodatne informacije, kontakt osoba je Stanislava Perišić:

E-mail: stanislava.perisic@komorabih.ba;

Tel: +387 33 566 242.

S poštovanjem,

PREDSJEDNIK



Ahmet Egrlić